

Paerewa Paetae

Aronga	Pāngarau 2.15		
Ingoa	Te whakahaere rangahau pāngarau		
Kaupae	2	Whiwhinga	3
Marau akoranga	Te Marautanga o Aotearoa		
Kokonga akoranga	Pāngarau		
Mana rēhita	Kua rēhitatia	Te rā i mana ai	19 Whiringa-ā-rangi 2015
Te rā e arotakengia ai	31 Hakihea 2020	Te rā i puta ai	19 Whiringa-ā-rangi 2015

Te Hononga ki te Marautanga

I ahu mai tēnei paerewa paetae i te Taumata 7 o *Te Marautanga o Aotearoa*, i whakaputaina e Te Pou Taki Kōrero i te tau 2008.

Whāinga Paetae

Te Whakamahinga o te Pāngarau

Ka mārama te ākonga, ka arohaehae, ka arotake hoki ia i te takenga mai o te mātauranga pāngarau me ngā tini whakamahinga o te pāngarau. Me kākahu anō ngā whāinga paetae ki ngā momo horopaki maha o te ao whānui.

E hono ana ki te Papa Whakaako mō te Pāngarau e noho mai ana ki te pae tukutuku nei: <http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

Paerewa Paetae

<p>Paetae Te whakahaere rangahau pāngarau.</p>	<p>Hei tohu i te paetae:</p> <ul style="list-style-type: none"> • Ka tautohu i nga whāinga o te rangahau. • Ka whakamahere i te rangahau. • Ka kohikohi raraunga e whai take ana. • Ka whakaatu i ngā kitenga ki ngā whakaaturanga tika. • Ka tātari i ngā whakakitenga. • Ka tūhono i te kaupapa o te rangahau ki ngā huatau pāngarau, ngā whakaaro pāngarau rānei e hāngai ana. • Ka arotake i te tukanga rangahau, arā ngā mea e pai ake, ngā mea ngoikore o te tukanga rangahau i whakamahia.
<p>Kaiaka He kaiaka te whakahaere rangahau pāngarau.</p>	<p>Hei tohu i te kaiaka:</p> <ul style="list-style-type: none"> • He hōhonu ake te rangahau. Nō reira, ka kitea ēnei: <ul style="list-style-type: none"> – ka whakamahi tika i ngā momo whakaaturanga e hāngai ana ki te horopaki o te rangahau – ka whakaputa i te whakataunga whakamutunga e hāngai ana ki ngā whāinga o te rangahau – ka hōhonu te arotake i te tukanga rangahau me ngā whakakitenga o te rangahau.
<p>Kairangi He kairangi te whakahaere rangahau pāngarau.</p>	<p>Hei tohu i te kairangi:</p> <ul style="list-style-type: none"> • He tino whānui te rangahau. Nō reira, ka kitea ēnei: <ul style="list-style-type: none"> – ka tūhono, ka arohaehae i ngā kōrero ka takea mai i ngā mātāpuna whānui – ka tino whakamārama i ngā whakakitenga me te honohono huatau pāngarau e whai pānga ana ki te rangahau – ka tino arotake i te tukanga rangahau me ōna wāhanga katoa, me te arohaehae anō i te tika me te pono o ngā whakakitenga – ka matapaki me pēhea te whakapai ake i te tukanga rangahau.

Kōrero Āpiti

E whai ake nei ko te whakamāramatanga o ngā kupu whaitake, kīanga rānei:

rangahau pāngarau	Ko te rangahau pāngarau tētahi rangahau e whai pānga ki te pāngarau. Me ārahi te kaiako tonu kia whakarite te ākonga i ngā whāinga o te rangahau. Ka mahi ko tōna kotahi, ka mahi ngātahi rānei ki te kohikohi raraunga.
kohikohi raraunga	Ko te whakamahi i ētahi o ngā tikanga e whai ake nei: <ul style="list-style-type: none"> • te mātakitaki • te ine • te ui pātai • te whakatū rārangi pātai.

Ngā whakaaturanga	Me whakaatu te raraunga ki ētahi o ngā whakaahua e whai take: <ul style="list-style-type: none"> • te kauwhata • te tūtohi • te mahere • te ripanga rorohiko • ngā momo hoahoa.
ngā mātāpuna	Ko ngā wāhi e tīkina atu ai ngā kōrero e hāngai ana ki te kaupapa o te rangahau. Hei tauira: <ul style="list-style-type: none"> • ko tētahi tangata, rōpū tāngata rānei • ko ngā mātaitanga a te ākonga • ko ngā pae ipurangi e hāngai ana • ko ngā pukapuka, ngā tuhinga me ngā kōpae ataata e hāngai ana.
te arotake i te tukanga rangahau	Ko te āta tiroiro i te huarahi i whāia ai hei whakatutuki i te rangahau, ōna painga, ōna hapa, ōna piki me ōna heke.

Kuputaka:
hōhonu ake
tino whānui

more in-depth
comprehensive

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233